

欽定八旗通志卷二百三十四

人物志一百十四

忠義傳二十六

駐防八旗三
乾隆年中共一百十人

穆金保

穆金保索倫鑲黃旗人姓敖拉氏世居打牲地方
由驍騎校署防禦乾隆十九年出征伊犁二十一年二月初一日隨叅贊大臣富德在烏塔莫庫爾
擊賊歿于陣

賞卹如例

濟卜奇爾圖

濟卜奇爾圖索倫鑲黃旗人姓薩木呼爾氏世居
打牲地方由披甲委署驍騎校乾隆十九年於副
都統三格隊出征伊犁二十一年六月十三日賁
奉

諭旨前往將軍達爾黨阿軍營行次阿爾輝地方遇賊
戰歿

賞卹如例

奈雅圖

奈雅圖索倫鑲黃旗人姓敖拉氏世居打牲地方
由領催委署驍騎校乾隆十九年從征伊犁二十
二年八月二十日隨副都統順德納收勦準夷餘
衆于哈拉和洛地方戰歿

賞卹如例

阿尼雅圖

阿尼雅圖索倫鑲黃旗人姓敖拉氏世居打牲地方由領催委署驍騎校乾隆十九年於副都統三格隊出征伊犁二十二年八月二十日隨副都統順德納擊賊沙拉斯嗎唬斯陣亡

賞卹如例

尼喀岱

尼喀岱索倫鑲黃旗人姓薩滿呼氏世居打牲地方由領催委署驍騎校乾隆十九年於副都統三

格隊出師伊犁二十四年正月隨副將軍富德進
剿逆回戰歿

賞卹如例

錦濟噶爾

錦濟噶爾索倫鑲黃旗人姓敖拉氏世居打牲地
方任總管乾隆十九年於副都統三格隊出師北
路二十四年閏六月逆回霍集占棄葉爾羌城西
走叅贊大臣明瑞追襲之於霍斯庫魯克山賊大

敗錦濟噶爾追賊力戰歿于陣

賞卹如例

密雅瑪察

密雅瑪察索倫鑲黃旗人姓鄂諾思氏乾隆三十
八年由委署叅領隨征金川得功牌四三十九年
六月擊賊於猛固寨陣亡

賞卹如例

恩賜雲騎尉世職

承襲詳見
世職表

錫爾庫爾

錫爾庫爾索倫正黃旗人姓阿拉爾氏世居默爾
根城由領催署防禦乾隆十九年隨征伊犁有功
二十二年正月隨定邊將軍兆惠收勦準夷餘黨
力戰歿于陣

賞卹如例

達爾金查

達爾金查索倫正黃旗人姓達巴圖氏世居呼倫

貝爾由驍騎校委署前鋒叅領乾隆十九年隨將軍達爾黨阿出征伊犁二十二年十一月十一日隨都統滿福以偏師追剿沙拉斯嗎唬斯行次哈拉和落與都統等同爲賊人誘害

賞卹如例

都倫車

都倫車索倫正黃旗人姓達巴圖氏世居呼倫貝爾由領催署防禦乾隆十九年出征伊犁遇陣先

登厯著勞績二十三年十月十三日隨靖逆將軍
那木札爾赴定邊將軍兆惠軍營星夜遄行於葉
爾羌地方卒遇逆回蟻集偕將軍等力戰歿于陣
賞卹如例

寧濟圖

寧濟圖索倫正黃旗人姓郭佳氏由領催委署驍
騎校乾隆十九年出征準噶爾得功牌六三十四
年隨征緬甸三十八年調征金川四十年正月擊

賊於空薩爾陣亡

賞卹如例

恩賜雲騎尉世職

承襲詳見世職表

阿拉海

阿拉海索倫正黃旗人姓鄂羅氏乾隆三十八年

由佐領獎賞花翎隨征金川四十年四月擊賊於

榮噶爾博陣亡

賞卹如例

恩賜雲騎尉世職

承襲詳見世職表

桂保

桂保索倫正黃旗人姓墨爾迪音氏乾隆三十八年由委署七品官隨征金川進攻馬奈等處得超等功二次四十一年七月擊賊於喇嘛寺陣亡

賞卹如例

恩賜雲騎尉世職

承襲詳見世職表

噶拉岱

噶拉岱索倫正白旗人姓都拉爾氏世居打牲地
方由領催委署驍騎校乾隆十九年於副都統三
格隊出師伊犁二十一年十一月十一日隨副將
滿祿解送營馬於庫車軍臺遇賊戰歿

賞卹如例

扎爾善

扎爾善索倫正白旗人姓都拉爾氏世居打牲地
方任總管乾隆十九年隨征伊犁有功二十三年

十月十三日隨定邊將軍兆惠進勦波羅泥都霍
集占自庫車直薄葉爾羌逆回負隅拒戰於喀拉
烏蘇河陣亡

賞卹如例

喀塔木保

喀塔木保索倫正白旗人姓薩木格爾氏世居打
牲地方由領催委署驍騎校乾隆十九年於副都
統三格隊出師伊犁厯著勤勞二十四年正月隨

副將軍富德追剿逆回戰歿

賞卹如例

額德爾圖

額德爾圖索倫正白旗人姓圖克敦氏世居呼倫
貝爾由領催委署前鋒叅領乾隆二十一年隨定
西將軍達爾黨阿出征哈薩克二十三年五月初
八日隨副都統唐喀祿於布空郭爾地方遇賊戰
歿

賞卹如例

阿納查

阿納查索倫正白旗人姓那喀他氏世居呼倫貝爾任獎賞藍翎乾隆十九年出征伊犁有功二十四年閏六月二十八日隨叅贊大臣明瑞追剿波羅泥都霍集占敗逆回於霍斯庫魯克山戰歿

賞卹如例

岱隆阿

岱隆阿索倫正白旗人姓都拉爾氏世居打牲地方由領催獎賞藍翎委署叅領乾隆十九年隨征準噶爾著有勞績二十四年閏六月二十八日隨叅贊大臣明瑞追剿逆回於霍斯庫魯克山力戰歿於陣

賞卹如例

托尼保

托尼保索倫正白旗人姓沃喀氏乾隆三十八年

由領催委署驍騎校隨征金川得功牌四三十九年六月擊賊於猛固寨陣亡

賞卹如例

恩賜雲騎尉世職

承襲詳見世職表

雅庫

雅庫索倫正白旗人姓鈕祜祿氏乾隆二十一年由防禦出征巴里坤得功牌頭等者二三等者三三十八年隨征金川屢著勞績得頭等三等功牌